



Zmaja od Bosne 47b,
71000 Sarajevo,
Bosna i Hercegovina



T ++ 387 (33) 72 14 00
F ++ 387 (33) 66 88 11



E agencija@fba.ba
W www.fba.ba



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

Broj: 05-3378-5/20
Sarajevo, 01.09.2020. godine

Na osnovu člana 23. stav (1) tačka d) Zakona o Agenciji za bankarstvo FBiH ("Službene novine Federacije BiH", broj 75/17), člana 16. stav (1) tačka j) Statuta Agencije za bankarstvo Federacije BiH ("Službene novine Federacije BiH", broj 3/18), člana 69. stav (2) tačka d) i člana 70. stav (1), (4) i (6) Zakona o javnim nabavkama ("Službeni glasnik BiH", broj 39/14), a na osnovu preporuke komisije iz Zapisnika o pregledu i ocjeni ponuda u postupku nabavke usluga tehničke podrške u procesu održavanja informaciono-komunikacionog sistema za potrebe Agencije za bankarstvo Federacije BiH broj: 05-3378-4/20 od 31.08.2020. godine, direktor Agencije za bankarstvo Federacije BiH donio je

O D L U K U

o poništenju postupka javne nabavke usluga

I

Poništava se postupak javne nabavke usluga tehničke podrške u procesu održavanja informaciono- komunikacionog sistema za potrebe Agencije za bankarstvo Federacije BiH proveden putem konkurentskog zahtjeva za dostavu ponuda, jer primljena ponuda nije ocijenjena prihvatljivom.

II

Ponuda ponuđača: „MIBO Komunikacije“ d.o.o. Sarajevo, odbacuje se kao nepotpuna zbog neispunjavanja kvalifikacijskih uslova utvrđenih u tenderskoj dokumentaciji.

III

U skladu s članom 70. stav (6) Zakona o javnim nabavkama BiH, ugovorni organ će objaviti ovu odluku na svojoj internetskoj stranici: www.fba.ba, istovremeno s upućivanjem iste ponuđaču koji je učestvovao u ovom postupku javne nabavke.

O b r a z l o ž e n j e

Postupak javne nabavke predmetne usluge pokrenut je Odlukom o pokretanju postupka javne nabavke usluga, broj: 05-3378/20 od 13.08.2020. godine. Javna nabavka sprovedena je putem konkurentskog zahtjeva za dostavu ponuda, uz odabir najniže cijene tehnički zadovoljavajuće ponude kao kriterija za dodjelu ugovora. U skladu sa članom 35. Zakona o javnim nabavkama BiH, Obavještenje o nabavci broj: 3010-7-2-213-3-50/20 objavljeno je na Portalu javnih nabavki (ejn.gov.ba) dana 20.08.2020 godine. Procijenjena vrijednost javne nabavke utvrđena je u ukupnom iznosu od 26.500,00 KM, bez poreza na dodanu vrijednost (PDV).

Dana 31.08.2020. godine, Komisija za javne nabavke (u daljem tekstu: Komisija), imenovana rješenjem direktora broj: 05-3378-1/202 dana 19.08.2020. godine, pristupila je pregledu i ocjeni pristiglih ponuda, gdje je utvrđeno da je po predmetnom postupku pravovremeno pristigla 1 (jedna) ponuda i to ponuda ponuđača „MIBO Komunikacije“ d.o.o. Sarajevo.

Prilikom pregleda primljene ponude u pogledu ispunjavanja zadanih kvalifikacijskih uslova, Komisija je evidentirala nepravilnost u dostavljenoj dokumentaciji ponuđača „MIBO Komunikacije“ d.o.o. Sarajevo, te je ista ocijenjena kao neprihvatljiva za ugovorni organ iz slijedećeg razloga:

- Ponuđač „MIBO Komunikacije d.o.o.“ Sarajevo nije ispunio minimalne uslove za kvalifikaciju navedene u:

Poglavlju IV. (PODACI O PONUDI) – tačka 9. (Mjesto, datum i vrijeme ponuda – rok za dostavljanje ponuda), tako što je ponuđač dostavio samo jedan original ponude bez priložene kopije iste, a što je suprotno sa zadanim uslovom u navedenoj tački tenderske dokumentacije gdje je navedeno da je „*ponuđač dužan da dostavi original i jednu kopiju ponude*“.

S obzirom na prethodno navedeno, ponuda „MIBO Komunikacije d.o.o.“ Sarajevo nije ispunila definirane zahtjeve iz Tenderske dokumentacije, te stoga ista nije mogla biti uzeta u dalje razmatranje.

Uzevši u obzir sve prednje navedene činjenice i okolnosti, polazeći od toga da ponuđač nije ponudio prihvatljivu ponudu, Komisija je zaprimljenu ponudu ocijenila kao neprihvatljivu i nepotpunu, jer nije u skladu s uslovima utvrđenim u tenderskoj dokumentaciji i predložila da se ista odbije u skladu sa članom 44. stav (2) i (6) Zakona o javnim nabavkama, te članom 68. stav (4), tačka (i) Zakona o javnim nabavkama, te dala preporuku da se predmetni postupak poništi u skladu s članom 69. stav (1) tačka b) i stav (2) tačka d) Zakona o javnim nabavkama BiH.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama BiH.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmuzić

Dostaviti:

- učesnicima u postupku;
- a.a.